

SION TUDUR (bu farw 1602), bardd

Enw: Sion Tudur
Dyddiad marw: 1602
Priod: Maltt Gruffudd
Plentyn: Margaret ferch Siôn Tudur
Plentyn: Elizabeth ferch Siôn Tudur
Plentyn: Thomas ap Siôn Tudur
Rhyw: Gwryw
Galwedigaeth: bardd
Maes gweithgaredd: Barddoniaeth
Awdur: Enid Pierce Roberts

Bu farw Siôn Tudur nos y Pasg, 3 Ebrill 1602, a chladdwyd ef yn eglwys plwyf Llanelwy y dydd Llun canlynol, 5 Ebrill. Gan y tystiai yn niwedd ei oes ei fod yr hynaf o'r beirdd, a'i fod yn cwyno wrth [Rys Gruffudd](#) o'r Penrhyn, rhywdro cyn 1580, ei fod yn heneiddio, awgrymir ei eni cyn 1530. Yn y Wigfair, Llanelwy, yr oedd ei gartref, ac yr oedd yn r bonheddig tiriog, yn hanu o lin Llywarch Howlbwrch. Bu am gyfnod yn y llys yn Llundain, yn r o'r gard i'r frenhines Elisabeth. Canodd fawl a marwnad a gofyn i dros 60 o deuluoedd Gogledd Cymru, ac yn eu plith canodd i bedair cenedlaeth o [Fotryddan](#), i bedair o [Fostyn](#), ac i dair o [Leweni](#), a'r cyfan bron yn perthyn i'r cyfnod ar ôl 1566. Byddai'n clera ambell dro, cyn belled ag Abergwili at yr [esgob Richard Davies](#). Urddwyd ef yn ddisgybl Penceirddaid yn eisteddfod Caerwys, 1568. Y mae llythyr yn ei law ei hun yng nghasgliad Wigfair yn Ll.G.C. (gweler *B.B.C.S.*, vii, 112-7). Ei wraig oedd Maltt, merch i Byrs Gruffudd o Gaerwys, ' Serjeant at Arms to Henry the Eighth.' Bu iddynt dri o blant, Thomas, Elizabeth, a Margaret.

Awdur

Dr Enid Pierce Roberts

Ffynonellau

Archaeologia Cambrensis, 1915, 'Robert Parry's Diary'

marwnadau i Siôn Tudur yn Jesus College MSS., 15

W. J. Gruffydd, *Llenyddiaeth Cymru o 1450 hyd 1600*, 1450-1600, 83-91

argraffodd Owen Jones ychydig o'i waith yn *Ceinion Llenyddiaeth Gymreig* (1876)

Darllen Pellach

Erthygl Wicipedia: [Siôn Tudur](#)

Dolenni Ychwanegol

Wikidata: [Q7533495](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

